

ՀԱՆԴԻՊՈՒՄ ՌՈՒԲԵՆ ԵՍԱՅԱՆԻ ՀԵՏ



Արցախի պետական համալսարանի պատմության և իրավագիտության ֆակուլտետի ՈՒԽ նախաձեռնությամբ նոյեմբերի 26-ին կազմակերպվել է հանդիպում վիդեոբլոգեր, հաղորդավար, սցենարիստ, «Ինստագրամ» նախաձեռնության հեղինակ Ռուբեն Եսայանի հետ:


Ռուբեն Եսայանը հանդես եկավ կիբեռանվտանգության, վիդեոբլոգինգի, էնոցիոնալ ինտելեկտի, անձի ինքնագարգացման մասին դասախոսությամբ: Ուսանողների խոսքով՝ թեման բավականին հետաքրքիր էր ու հազեցած:

Նա պատասխանել է ուսանողներին հետաքրքրող հարցերին և խորհուրդ տվել նրանց մտածել և գործել «ստատիկ քառակուսուց դուրս»՝ out of box, փորձել իրենց նոր ու տարբեր բնագավառներում: Ռ. Եսայանը բացատրել է նաև մեդիայի բնագավառում ճիշտ ու

անվտանգ գործելու կարգն ու կանոնները, հորդորել ուշադրություն դարձնել էնոցիոնալ ինտելեկտին (EQ), կարևորել ժամանակի ճիշտ կառավարումը:

Հանդիպման ավարտին շնորհակալական խոսքով հանդես է եկել պատմության և իրավագիտության ֆակուլտետի ՈՒԽ նախագահ Անի Աբրահամյանը՝ ուսանողության անունից հուշանվեր հանձնելով օրվա հյուրին:

Հանդիպմանը մասնակցում էին ԱրՊՀ բոլոր ֆակուլտետների ուսանողները:



«Քո ժամանակը»

ԱՐՑԱԽԻ ՊԵՏԱԿԱՆ ՀԱՄԱԼՍԱՐԱՆԻ ՈՒՍԱՆՈՂԱԿԱՆ ԱՄՍԱԹԵՐԹ

Խմբագիր՝ **Զ.ՍԱՌԱԶՅԱՆ**
Համարի պատասխանատու՝
Անժելա Շահանց,
լրագրություն՝ **3-րդ կուրս**

Տպաքանակ՝ 400
Տպագրվում է Արցախի պետական համալսարանի իրատարակչության տպարանում
Մեր հասցեն՝ Մ.Գոշի 5:
Հեռ.՝ (047) 94 04 91



Ուզո՞ւմ ես գուշակել, տեսնել մի ժողովրդի ապագան՝ նայի՛ր նրա երիտասարդությանը: **ԳԱՐԵԳԻՆ ՆԺԴԵՅ**

Քո ժամանակը

№ 7
ՆՈՅԵՄԲԵՐ
2022

ԱՐՑԱԽԻ ՊԵՏԱԿԱՆ ՀԱՄԱԼՍԱՐԱՆԻ ՈՒՍԱՆՈՂԱԿԱՆ ԱՄՍԱԹԵՐԹ

ԱՎԵՏԱՐԱՆՈՑ՝ ԿԱՐՈՏՍ ԱՆՈՒՆ ՈՒՆԻ



ված չեն պետության կողմից կազմված պատմության և մշակույթի անշարժ հուշարձանների ցանկում: 2020 թվականին տեղի ունեցած հայ-ադրբեջանական պատերազմից հետո, երբ Ավետարանոց գյուղը անցավ Ադրբեջանի զինված ուժերի վերահսկողության ներքո, հեռվից ենք նայում գյուղին ու հեռվից փորձում սփոփել մեր չսպիացող վերքը:

Պատերազմից երկու տարի անց նորից խոսում եմ ներկայով, ամեն օր, ամեն ժամ քայլում այն արահետներով, այն նեղլիկ կածաններով, որոնք լիքն են սիրով, ջերմությամբ, հուշերով, նպատակներով ու երազանքներով:

Եվ ես ինչպես առանձնացնեմ մեկին, եթե ամեն գյուղացի ցավ է ապրում իր ստեղծածի ու կորցրածի, իր տան, իր այգու, իր ապրումների համար:

Մի օր կավարտվի այս մղձավանջը, վստահ եմ... Ու մենք նորից կհանդիպենք մեր գյուղում՝ «Գայանեի վանք»-ում, «Դախշուն»-ի մոտ, դպրոցի ճանապարհին, կհանդիպենք նույնքան մեծ հպարտությամբ, որքան մինչ այդ անիծված 2020-ը...

Նորից կլինենք նույնը ես, դու և բոլորը:
Իլոնա ԲԱՂՂԱՍԱՐՅԱՆ,
լրագրություն 4-րդ կուրս

Արցախյան երրորդ պատերազմ. որքան շատ կորցրեցինք... կորցրեցինք անդարձ, սակայն հոգու ամենախորքում՝ ամենատաքուկ անկյունում չկորավ սպասումի հույսը:

2020 թվականի հոկտեմբերի 27-ին իմ հայրենի Ավետարանոցն անցավ թշնամու տիրապետության տակ:

Անվերջ կարելի է խոսել ու պատմել իմ գյուղի մասին:

Ավետարանոցս Արցախի հնագույն բնակավայրերից է, հուշագրություններում և պատմական հիշատակարաններում առավելապես հայտնի է դարերի խորքից:

Ավետարանոց գյուղը հարուստ է պատմամշակութային հուշարձաններով, որոնցից 53-ը համարակալված և հաշվառված են պետության կողմից: Կան նաև բազմաթիվ այլ պատմական հուշարձաններ, որոնք ներառ-



ՏՈՆԴ ՇՆՈՐՀԱՎՈՐ, ՈՒՍԱՆՈՂ



Ես՝ որպես ուսանող, ցանկանում եմ մեզ ուսանողի ներուժն ավելի արդյունավետ օգտագործելու կարողություն:

Ապացուցե՛ք, որ ոչ միայն ապագան, այլև ներկան ենք մեր երկրի:

Դարձնենք մեր

Առհասարակ, ուսանողը յուրաքանչյուր պետության հեմասյուններից է, պետության ներկան ու ապագան, իսկ երկրի հուսալի ապագայի ամենակարևոր գրավականներից մեկը բանիմաց, կիրթ ու բարձր արժեքներ կրող ուսանողն է:

Թող մեր հայացքը մի՛շտ հառնված լինի ապագային, և այն ամենը, ինչը յուրացրել ենք համալսարանական լսարաններում, ծառայեցնենք մեր հայրենիքի հետագա զարգացմանը: Գիտելիքներ ստանալուն զուգահեռ, շփվելով մակ սիրելի դարձած դասախոսների հետ, ձեռք բերելով ընկերներ ու կյանքի փորձ՝ ուսանողական ամեն օրը մեզ



Տարիներ առաջ դժվարին թվացող ուսանողի կյանքը մեր այսօրվա առօրյան է դարձել: Դժվար, բայց սիրելի...

Մի քանի ամսից կավարտենք կյանքի այս փուլը և միայն ավարտելուց օրեր անց կսկսենք կարոտել մեր անքուն

գիշերներն ու քնաթաթախ առավոտները, մեր խենթությունները, մեր դժվարությունները, մեր փորձությունները, կկարոտենք կուրսընկերներին ու դասախոսներին, նորից կերագենք (հաճախ՝ սպասված, երբեմն էլ՝ ստիպված) ժողով-

ծայնը լսելի ու լինենք պահանջատեր: Այս պահին մեզնից պահանջվող ամենակարևոր բանը սովորելն է:

Գիտելիքը գենք է, իսկ մենք պետք է զինված լինենք:


Իսկ եթե զինված լինենք, մեզ դժվար կլինի՝ կոտրել, մանիպուլյացիայի ենթարկել:

Ես ուզում եմ գիտակցենք, որ գիտելիքով զինված մարդը անպարտելի է:

Դե՛, առա՛ջ, իմ ընկեր:

ԱՆՆԱ ԱՐՁՈՒՄԱՆՅԱՆ, Լրագրություն 4-րդ կուրս

համար թեկուզ փոքրիկ, բայց քայլ է աշխարհում սեփական տեղը հաստատելու ճանապարհին: Ցանկանում եմ՝ որտեղ էլ ուսանելիս լինենք, մեր ապագան տեսնենք Արցախում ու մեր նպաստը բերենք հայրենիքի զարգացմանը, կայանանք թե՛ որպես լավ մասնագետներ, թե՛ մեր երկրի ակտիվ քաղաքացիներ:



Լիլի ՄԱԹԵՎՈՍՅԱՆ, Կերպարվեստ 3-րդ կուրս

ներին կամ միջոցառումներին մասնակցել:

Սիրելի՛ ուսանողներ, շնորհավորում եմ բոլորիս աշնանային գունագեղ տոնի առթիվ. մաղթում եմ բազում հաջողություններ ու ձեռքբերումներ ուսման բնագավառում, եղե՛ք արժանի մասնագետ՝ պահպանելով Ձեր ՄԱՐԴ տեսակը:

Եվ չմոռանա՛ք՝ եթե մի օր որոշեք Ձեր ապագան կերտել համալսարանում, կլինեք խստապահանջ ու բարի, ուսանողամետ:

Եվս մեկ անգամ ընդունեք իմ ջերմ ու բարի մաղթանքները: Եվ հիշե՛ք՝ եթե ուսանող, ուրեմն՝ 4 տարի անքնություն, 2 ամիսը մեկ՝ քնություններն ու ստուգաքններ և, իհարկե, լավ ընկերներ, մեծ շրջապատ ու Արցախի պետական համալսարանի խելացի շրջանավարտ:

Իլոնա ԲԱՂԴԱՍԱՐՅԱՆ, Լրագրություն 4-րդ կուրս

Իսկ ձեզ հետ երբևէ եղե՞լ է, որ մի քանի գիշեր անընդմեջ ընդհանրապես չքնեք, սուրճի բաժակների հաշիվը կորցնեք, մի կերպ, ուշացած, քնաթաթախ հասնեք դասի, բայց արդյունքում գոհ ու երջանիկ դուրս գաք քննական սենյակից: Սա դասական ուսանողի նկարագրությունն է քննաշրջանի ժամանակ: Իրականում այն արտահայտությունը, երբ ասում են, որ ուսանողական տարիներն ամենահետաքրքիրն ու չկրկնվողն են, բացարձակ ճշմարտություն է: Իհարկե, բարդագույն օրեր ու պահեր ենք ունենում, բայց միևնույն է, համալսարանում վայելած սուրճն ուրիշ է, դասերից ուշացած, մի քիչ կաշկանդված լսարան մտնելը, բայց դասը գերազանց պատասխանելուց հետո հպարտության զգացումով պարուրվելն ու



համարձակությունը վերականգնելը մի տեսակ առօրյա է դարձել: Ինչևէ, շնորհավորում եմ ուսանողներին ստոնը, մաղթում եմ բոլորիս անմոռաց ուսանողական օրեր, որպեսզի 80 տարեկանում մեր թոռներին ժպիտով պատմենք, թե Արցախի պետական համալսարանում ինչ խենթություններ ենք արել, և որ մեր ԱրՊԳ-ն լավագույնն է ու մեր սրտի բուհը:

Անահիտ ԱՅԴԻՆՅԱՆ, Լրագրություն 4-րդ կուրս



Լավ է, չէ՞, ուսանող լինելն ու ուսանողական կյանքը, մանավանդ, երբ արթնանում ես առավոտ շուտ՝ քաղցր քունդ ու երագդ կիսատ թողնելով: Երբ քննություններդ դեռ չավարտած՝ պետք է պատրաստվես հաջորդին: Երբ

համակարգչային քննությունդ ավարտելուց հետո պետք է նորից գնաս և շարունակես լսել դասը՝ ինչքան էլ հոգնած լինես:

Երբ չես կարողանում դասախոսիդ համոզել, որ ինչքան էլ ցանկանաս, ինչքան էլ գիշերները չքնես, չես կարող քո տարիքում իր չափ գրքեր կարդացած լինել: Երբ քեզ հատկացված տասրոպե ընդմիջմանը լուռ լսում ես դասախոսիդ, որովհետև ամաչում ես ասել, որ արդեն քո հանգստի ժամն է, իսկ դու ուզում ես սուրճ խմել: Ամենացավալին, երբ տեսնում ես, թե բոլորն ինչպես են տարվա ամեն եղանակի վայե-

լում իրենց արձակուրդը, իսկ դու սպասում ես քո միակ ու անկրկնելի ձմեռային արձակուրդին: Լավ է, իհարկե, լավ է:

Լավ է, երբ ունես այնպիսի դասախոս, ով քեզ հետ խոսում է որպես ընկեր՝ չվախենալով, որ որևէ մեկը կչարաշահի այդ դիրքը: Հրաշալի է, երբ ունես այնպիսի կուրսընկերներ ովքեր աջակցում են քեզ ցանկացած հարցում՝ լինի համալսարանի կրթական կյանքին վերաբերող, թե անձնական: Երբ ունես այնպիսի կուրսընկեր, ով կարող է կրկնօրինակել դասախոսին, այն էլ դասախոսից լավ: Լավ է, երբ համալսարանական կյանքից ունենում ես խենթ հիշողություններ՝ ինչպիսիք են ծննդյան օրերին կուրսընկերոջդ տորթի մոմով, բայց տորթի փոխարեն ժենդյալով հացով կամ բուրգերով շնորհավորելը, տորթի վրա ծիծաղելի ու տարբերվող գրությունները: Եվ հենց սա էլ ուսանողական անմոռանալի կյանքն է՝ բազում գույներով լի:

Դե՛, սիրելի իմ համալսարանական ընկերներ և ուսանողներ, շնորհավորում եմ բոլորիս օրը: Միշտ եղեք նպատակասլաց և եռանդով լի: Մաղթում եմ մեզ հաստատուն կամք, ուսման մեջ հաջողություններ ու բոլոր նպատակների իրականացում:

Էթերի ՄՈՍԻՅԱՆ, Լրագրություն 4-րդ կուրս